



EAGARTHÓIR COIMISIÚNAITHE COMHLÍONTACHTA

Clúdach Saoire Máithreachais

Is mian le TG4 Eagarthóir Coimisiúnaithe Comhlíontachta a earcú a bheidh lonnaithe sa Cheannáras i mBaile na hAbhann i nGaeltacht na Gaillimhe. Is chun fostaí eile san eagraíocht, a bheidh amuigh ar shaoire mháithreachais, a chlúdach an post seo. Ag freagairt don Stiúrthóir Ábhair, beidh an tEagarthóir Coimisiúnaithe Comhlíontachta freagrach as cearta agus comhlíonadh clár, sruthanna oibre inmheánacha chomh maith le clár a fhorbairt, a choimisiúnú agus a cheannach a oireann do TG4 de réir riachtanais sceideal na gcláracha agus spriocanna TG4 atá ar an gcaighdeán is airde agus is mó luach do phobal féachana leathan TG4 in Éirinn agus ar fud an domhain.

Fostóir comhdheiseanna é TG4 agus déantar iarratais incháilithe a mheas gan beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghligh, creideamh ná ballraíocht den Lucht Siúil. Tá meon dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlraí éagsúla acu. Tacaíonn TG4 le daoine faoi mhíchumas a fhostú.

An Ról:

Beidh an té a cheapfar freagrach as ceannasaíocht a ghlacadh ar chearta agus comhlíonadh clár atá á gcoimisiúnú idir fhorbairt smaointe, struchtúr an chlár, script, ionchur ealaíon, fhiúntas, bhuiséad agus seachadadh. I measc na bpríomhdhualgas a bheidh ar an té a cheapfar, beidh:

- Ceannasaíocht a ghlacadh ar chearta dlí agus na rialacháin a bhaineann le coimisiúnú clár a chomhlíonadh ó thaobh rialála de.
- A bheith ar an eolas faoi dhlíthe agus caighdeán na meán cumarsáide agus comhlíonadh na heagraíochta a chur in iúl agus a chinntiú.
- Measúnú a dhéanamh ar ábhar le haghaidh comhlíonadh rialála agus aghaidh a thabhairt ar shárúithe ar na caighdeán craolacháin.
- A chinntiú go bhfuil an obair riaracháin, cearta, sruthanna oibre ag obair go stuama agus go cruinn.
- Polasaí chlár TG4 a fhorbairt don Rannóg i gcomhar leis an mBainisteoir Coimisiúnaithe, an Stiúrthóir Ábhair agus an Ard-Stiúrthóir.
- Feidhmiú mar ionadaí ar an lucht rialála mar aon le cúrsaí cumarsáide agus géarchéimeanna a bhainistiú.
- Oiliúint ar chúrsaí comhlíontachta a léiriú agus a stiúradh agus treoir a thabhairt do chruthaitheoirí ábhair.
- Taifid chomhlíontachta a choinneáil agus tuairiscí a ullmhú don lucht bainistíochta agus do lucht rialála.
- Clár Ghaeilge den scoth a sholáthar do phríomhsceideal agus ardáin éagsúla TG4 atá ar ardchaighdeán agus a thugann an luach is fearr ar airgead
- Ard-bhreithiúnas eagarthóireachta a fheidhmiú ar ábhar craolta teilifíse agus ilardáin
- Iarratais faoi na Babhtáí Coimisiúnaithe a léamh agus a mheas.
- A bheith páirteach i roghnú na n-iarratas is fearr a oireann do riachtanais an lucht féachana
- Treoir ar choimisiúnú a thabhairt do na comhlachtaí léiriúcháin
- Ról gníomhach comhpháirteach a ghlacadh i bhforbairt an chlársceidil agus lucht féachana TG4 trí idirbheartaíocht agus comhpháirtíocht le rannóga eile TG4 – Sceideal, Margaíocht, na Meáin Shóisialta, an tIdirlíon srl.
- An córas coimisiúnaithe agus deiseanna oiliúna a úsáid chun earnáil na léiriúcháin neamhspleách Gaeilge a fhorbairt.
- Clár nach clár Ghaeilge iad a cheannach agus a athcheadúnú
- Dul i mbun plé le soláthróirí idirnáisiúnta, féachaint ar mhíreanna bolscaireachta agus freastal ar imeachtaí margaidh.
- Comhpháirtíocht a chruthú agus comhléirthe a fhorbairt i bpáirt le heagrais chistíochta agus craoltóirí eile – Coimisiún na Meán, Fís Éireann, an Chomhairle Ealaíon, an Ciste Craoltóireachta Gaeilge agus Féilte Scannán agus Teilifíse.
- Seasamh agus íomhá an chraoltóra phoiblí a chur chun cinn agus a bheith i d'éascaitheoir ag léiritheoirí agus comhlachtaí neamhspleacha.

- Clár coimisiúnaithe a aontú don chraoladh trí aontú réamhlíne agus foirm Rialúcháin TG4.

A bhfuil riachtanach don phost seo:

- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.
- A bheith tiomanta d'Fhís, Misean agus Straitéis TG4 a chur i bhfeidhm.
- Tuiscint mhaith ar chearta dlí agus ar na rialacháin a bhaineann le coimisiúnú clár a chomhlíonadh
- Tuiscint ar an lucht féachana agus ar na cláir agus ar an ábhar ilardáin a mheallann iad.
- Saineolas ar chláir theilifíse agus ábhar ilardáin a fhorbairt
- Tuiscint ar sceideal TG4 agus ar an gcomhthéacs ina bhfeidhmíonn sé
- Eolas ar fhreagrachtaí an chraoltóra phoiblí maidir le caighdeán agus cóid ábhartha clár.
- Taithí agus eolas ar chláir theilifíse Ghaeilge a léiriú i ndomhan dian-iomaíoch ilardáin
- Tuiscint ar oibríochtaí teilifíse, bainistiú buiséid, dlí na meán cumarsáide, cearta craolta agus ar théarmaí trádála na hearnála
- Ábalta feidhmiú go muiníneach, éifeachtach as do stuaim féin i dtimpeallacht spreagúil.
- Ábalta oibriú mar chuid d'fhoireann.
- Taithí mhaith ar chúrsaí riaracháin agus ríomhaireachta, ar na hardáin meán sóisialta agus ábalta córais nua a fhoghlaim go tapa. Bheadh eolas ar chórais TG4 (What'sOn, Mediator) ina bhuntáiste, ach cuirfear traenáil ar fáil.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, réidh agus ar fáil in am.

Sa gCeannáras i mBaile na hAbhann, Co. na Gaillimhe a bheidh an post seo lonnaithe. Tá Polasaí oibre solúbtha i bhfeidhm i TG4.

4pm Déardaoin an 26 Feabhra 2026 an dáta deiridh a nglacfar le hiarratais. Seol d'iarratas mar aon le litir iarratais chuig cv@tg4.ie.

Eolas Breise don Iarratasóir

Grád an Phoist:

Grád 3

Uaireanta Oibre:

39 uair sa tseachtain. Mar gheall ar riachtanais an phoist, táthar ag súil go mbeifí solúbtha ó am go ham, lena n-áirítear a bheith sásta oibriú, nuair atá gá leis, lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal:

Beidh taisteal i gceist ó am go chéile mar chuid den ról, in Éirinn agus thar lear.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d'Fhostaithe • An Scéim um Rothaíocht chun na hOibre
---	--